

Tukutuku Ako mō Tikanga-ā-iwi

Ngā Whakaaro Whānui	“Kāore i kotahi te whakahaere o ngā tikanga ā-iwi. He iwi anō me ōna tohunga me ōna tikanga me āna whakahaere. Hiki atu he iwi, pērā tonu. Nō reira, kia mau koe ki ōu ake.... Mā ō rātou uri e mau ō rātou nā kōrero. Engari kia mau koe ki ngā kōrero a ōu mātua, a ōu tūpuna. Ina ka tika, ka waiho mai ētahi mātauranga hei taonga mōu.” (Te Whatahoro, 1865)		
Kirirarautanga mātatoa	Ko te whāinga matua o te Tikanga ā-Iwi, kia tū tangata te ākonga i te ao Māori, i te ao whānui anō hoki, e taea ai e ia te uru i runga i te mōhio, i te haepapa hoki, ki ngā mahi waihanga porihanga. Ka tutuki tēnei whāinga mā te whai wāhi o te ākonga ki te:		
Te ao Māori	- Whakawhanake māramatanga ki te mana motuhake o te iwi Māori; - Whakapūmau i te reo Māori, i ngā tikanga Māori me ngā kōrero tuku iho, i tā te Māori titiro ki te ao; - Ārohi i ngā huatau o te whānau, o te hapū, o te iwi hoki me te pānga o ēnei ki te tuakiri Māori; - Āta tirotiro i ngā take o roto, o waho hoki, o Aotearoa e whai pānga ana ki te whakatutukinga o ngā wawata pāpori, tōrangapū, ahurea, ohaoha hoki o te iwi Māori.		
Aotearoa	Ako mō ngā tāngata, ngā tūāhua me ngā whakaawenga i waihangatia ai a Aotearoa.		
Te ao whānui	Titiro ki te noho a ngā iwi o tāwāhi me tā rātou nei titiro ki te ao.		
Iwi taketaketanga	Ako mō ngā take i pā, ā, e pā tonu nei hoki, ki ngā iwi taketake o te ao.		
Ngā take o te wā	Tūhura i ngā take me ngā tāngata tāpua o te wā.		
Huarahi ako Pakirehua Pāpori	- Patapatai, te tukatuka pārongo me te whakawhiti kitenga (Pakirehua); - Tūhura i ngā rerekētanga o te titiro, o te whakaaro, o te uara, ā, me ngā take mō ēnei āhuatanga (Te Tūhuratanga Uara); - Tirotiro take, te tautohu me te arotake otinga, te whakatau huarahi hei whakamataranga take pāpori (Te Koringa Pāpori).		
Te mātauranga Māori	Nō mai rā anō te mātauranga Māori. E mau tonu nei, ā, haere ake nei. Mau ai te mātauranga Māori i roto i ngā whakapono, ngā uara me ngā tikanga o te ahurea Māori.		
Te reo Māori	Ko te reo te waka kawē i te whakaaro. Mā te tupu o te reo e tupu ai te hinengaro.		
Ngā Akoranga Tāpua			
Taumata 6-8 o Te Marautanga o Aotearoa			
	Taumata 6	Taumata 7	Taumata 8
Tikanga ā-Iwi	6.1 Ko te mahi takitahi, ā-rōpū, ā-pūtahi rānei, ki te whakatairanga i te tōkeke pāpori me ngā motika tangata.	7.1 Ka kawea, ka whakamahia e ngā hapori me ngā whenua ō rātou haepapa me ō rātou motika i roto i ngā horopaki ā-hapori, ā-whenua, ā-ao hoki.	8.1 Mā ngā whakapono tōrangapū e waihanga te porihanga, ā, e rerekē ana te urupare a te takitahi, a te rōpū rānei ki ēnei whakapono tōrangapū.
	6.2 Ko te urutau me te rerekē haere o ngā ahurea, me ngā putanga iho o ēnei tūāhua mō te porihanga.	7.2 I ētahi wā, nā te rerekē o ngā whakapono me ngā ariā ahurea, ka tutū te puehu, ka puta te mānukanuka.	8.2 Ka whakaawe te āhua o ngā whakahoutanga i ngā motika, ngā tūranga me ngā haepapa o te takitahi me te hapori, ā, ka whakaawe anō ngā motika, ngā tūranga me ngā haepapa o te takitahi me te hapori i te āhua o te whakahoutanga.

Hītori	6.1 Ko ngā pūtaketanga me ngā otinga o ngā tūāhua o mua i waihanga i te āhua noho a te iwi o Aotearoa.	7.1 Ko ngā āinga me ngā rōpū o mua i whakaawe i ngā pūtaketanga me ngā otinga o ngā tūāhua o mua e whai tikanga ana ki Aotearoa.	8.1 Ko ngā pūtaketanga, ngā otinga me ngā whakamāramatanga i ngā tūāhua o mua e whai tikanga ana ki Aotearoa nei, he tino tuatini, ā, kei te tautohetia.
	6.2 He rerekē te titiro a te tangata ki ngā tūāhua o mua e whai tikanga ana ki Aotearoa.	7.2 He rerekē ngā whakamārama a tēnā iwi, a tēnā iwi, mō ngā tūāhua e whai tikanga ana ki ngā tāngata o Aotearoa.	8.2 E whakaata mai ana ngā tikanga o te wā i ngā āinga pāpori, ngā āinga ohaoha me ngā āinga tōrangapū hoki.
Matawhenua	6.1 He motuhake tonu ngā āhuatanga o te taiao tūturu me te taiao ahurea, ā, ka waihangatia ēnei e ngā tukanga whakaauaha tauira mokowā.	7.1 Ko ngā tauira tūturu, ngā tauira ahurea me ngā tukanga, ā tōna wā, ka rerekē, ā, ka rerekē anō te korahi mai i tēnā wāhi, ki tēnā wāhi.	8.1 Ko ngā taiao tūturu me ngā taiao ahurea ka waihangatia i ngā tukanga pāhekoheko, ā, ka taka i raro i ngā whakatau me ngā korahi rerekē.
	6.2 He maha ngā ara pāhekoheko rerekē a te tangata ki tōna taiao.	7.2 Kua rerekē haere ngā whakaaro me ngā hononga ki te taiao tūturu me te taiao ahurea.	8.2 He rerekē ngā uara, ngā whakaaro me ngā urupare a te tangata ki ngā kōwhiringa, ngā aukati me ngā otinga ohaoha, pāpori, ā-taiao hoki o te whakarite me te whakatau kaupapa.
Ōhanga	6.1 Nā te mōmōhanga, ka whakatau tikanga ngā kaiwhakapeto, ngā kaiwhakanao me te kāwanatanga ka pā ki te porihanga o Aotearoa.	7.1 Mā te ōhanga ka mārama ngā take ohaoha o Aotearoa i tēnei wā.	8.1 He tino māia ngā mākete kei te pai ngā mahi, engari me whakatōtika te kāwanatanga i ngā mākete kāhore i te tuku pai, i te tuku tika rānei, i ngā hua.
	6.2 He taupuhipuhi ngā rāngai rerekē o te ōhanga o Aotearoa.	7.2 He tino tata ngā take ohaoha kei Aotearoa nei.	8.2 He maha tonu ngā whakaawenga kei runga i te āhua me te rahi o te ōhanga o Aotearoa.